

1487

C O D I C E S

1488

gatorio, Aqua lustrali, Exorcismis, et Imaginibus.

CCCXCIX.

918 Codex chartaceus lat. Sec. XV. Folior. 188. 4. commode, non tamen ab una manu, perscriptus continet: I. *Job. Wiclefi* Sermones in Evangelia de Tempore per circulum anni, ducto a *Dom. 1. Adventus* initio, praefixoque Monito, quod incipit: *Cum deus undiquaque plenus abhorret vacuum &c.* Dictionis primae in illud: *Cum appropinquasset Iesus ierosolimis &c.* *Matth. 21.* exordium est: *Constat ex evangelio, quod christus tribus vicibus aduenerit humanitus &c.* Dictio ultima de Templi Dedicatione finitur: *ut in febre ethica (hectica) est sua inanitio inpercepta. Expliciunt evangelia de tempore. Jo. Wy.* Vide Cod. anteced.

II. fol. 169. *Hic ostenditur quo tempore dauid composuit quemlibet psalmum in psalterio et pro qua necessitate. Tituli illi Psalmodum, qui Bibliis sub artis incunabula impressis additi reperiuntur. Ita: Beatus vir qui non. Istum psalmum fecit dauid quando constitutus fuit Rex in Bethleem &c.* Sub finem eadem docetur Lector de aliis Canticis biblicis.

III. fol. 171. *De vita et moribus phylozophorum veterum tractatus. Poterat addi et Poetarum. Initium: Multa que ab antiquis Auctoribus et diuersis libris de ip-*

sorum gestis sparsim reperi in vnum colligere laboraui &c. Libellus jam Sec. XV. plus vice simplici impressus, et in *Italicam, Gallicamque* linguam immerito ductus passim *Gualt. Burlejo Anglo* tribuitur, cujus nomen Codici quondam *Gudiano* praefixum video apud *Fabric. Bibl. med. Lat. L. II. p. 307.* Confer etiam *Tanneri Bibl. Brit. Hib. p. 141.* Exemplum praesens abruptum in *Seneca*, ceterumque editis jam prolixius, jam concisus est. De editis dixi in *Memorab. Bibl. Garell. P. I. p. 201.*

CCCC.

Codex chartaceus lat. Sec. 879 XV. Folior. 253. f. per duas columnas in Bohemia, ut videtur, probe scriptus, et rubricis enotatus sequentia *Job. Wiclefi* Opera continet: *Ista pars vocatur pars secunda sermonum, seu, ut in membrana praevia: Secunda pars wicleff super evangelia videlicet de sanctis.* Sermo I. de Nativitate Christi in illud: *Exiit edictum a cesare Augusto &c. Luc. 2.* orditur: *Continuando sermones sanctorum cum sermonibus dominicis incipiendum videtur a festo sancti sanctorum &c.* Inde ordine anni proceditur per *Sermones LXI.* quorum tamen multi sunt de Communi, ut vocant, Sanctorum, usque ad *Sermones* in Commemoratione Fidelium Defunctorum. Nulla facile praetermittitur occasio fugillandi Episcopos, Praelatos, Clerum beneficiarium,